

O'ZBEKISTON RESPUBLIKASI
OLIY TA'LIM, FAN VA INNOVATSIYALAR VAZIRLIGI
FARG'ONA DAVLAT UNIVERSITETI

**FarDU
ILMIY
XABARLAR-**

1995-yildan nashr etiladi
Yilda 6 marta chiqadi

2-2023

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

G.M.Zokirova, I.I.Zokirov

Ochiq urug'li o'simliklar (Pinóphyta) koleopterofaunasi (Coleoptera) 105

G.D.Mardanova, A.Sh.XurramovSurxondaryo tabiiy geografik hududida bezgak chivini *Anopheles superpictus* Grassi (1899) turining morfologik va molekulyar-genetik tavsifi 110**Ch.F.Rahmonova**

Organizmda mikroelementlar tanqisligi va uning oldini olish yo'llari 118

A.E.Normatov, G.J.Baxtiyorova, D.I.Po'latova, M.Yuldasheva

Farg'ona neftni qayta ishlash zavodi oqava suvlari suv o'simliklari yordamida tozalashga oid tadqiqotlarni tahlili 125

GEOGRAFIYA**K.M.Boymirzayev, H.N.Naimov, D.X.Jo'raqulova**

Landshaftlar strukturasi va ularning zamонавиј antropogen jarayonlar ta'sirida o'zgarishi 129

A.A.Isayev, A.R.Arabboev

7-sinf materalar va okeanlar tabiiy geografiysi fanidan amaliy darslarda interfaol usullardan foydalanish 133

J.J.Mamatisakov

O'quvchilarga geologik bilimlar berishda tabiiy geografiya ta'lif vositalarining o'rni va ahamiyati 135

Y.I.Ahmadaliyev, A.E.Madraximov

Geografik nomlarning ekologik funksiyalarini tadqiq etish usullari 138

N.X.Karimov

O'quv dala amaliyotida poxodlarni tashkil etishda gigiyenik qoidalarga amal qilish tartibi 142

ILMIY AXBOROT**M.X.Akbarova, Z.N.Jo'rayev**"Yozyovon cho'llari" davlat tabiat yodgorligida tarqalgan *Cistanche mongolica* Beck ning bioekologik xususiyatlari 147**M.T.Qarshiyev, A.Y.Ruzikulov, F.N.Nurkulov**

Biomodifikatorlar bilan polietilenni modifikatsiyalash hamda ularning xossalari tahlili 151

A.E.Normatov, I.A.Usmonov, D.I.Po'latova, M.Yuldasheva

Neft va neft mahsulotlari bilan ifloslangan oqava suvlarni yuksak suv o'simliklari yordamida tozalash 155

A.M.Mamasidiqov, A.A.Umarov

Sotsiologiya fanining ijtimoiy fanlar tizimidagi o'rni 159

B.A.Umarov

Raqamli texnologiyalar asosida pedagoglarning professional kompetentligini rivojlantirishning pedagogik modeli 163

Z.A.Akbarova, N.Mamasoliyeva, S.Haydaraliyeva

"Inson" tushunchasi mazmunining lisoniy tahlili 168

B.Q.Baratov

Bo'lajak o'qituvchilarni uzliksiz ma'naviy tarbiya jarayoniga tayyorlashning ijtimoiy-pedagogik zarurati 172

A.N.Qosimov

Milliy identiklik tarbiyasi – ijtimoiy ehtiyoj va pedagogik muammo sifatida 179

J.A.Qurbanov

Integratsion ta'limi asosida bo'lajak o'qituvchilarning intellektual madaniyatini rivojlantirishning interfaol metodlari 184

J.V.Solijonov

Fanlararo hamkorlik vositasida bo'lajak pedagoglarda mantiqiy tafakkurni rivojlantirishning psixologik va pedagogik jihatlari 190

G.Z.Ganiyeva

Ingliz tilidagi toponimlarni izohlashda leksikografik tamoyillar (Buyuk Britaniya va Amerika joy nomlari lug'atlari misoldida) 194

MILLIY IDENTIKLIK TARBIYASI – IJTIMOIY EHTIYOJ VA PEDAGOGIK MUAMMO SIFATIDA

ВОСПИТАНИЕ НАЦИОНАЛЬНОЙ ИДЕНТИЧНОСТИ - КАК СОЦИАЛЬНАЯ ПОТРЕБНОСТЬ И ПЕДАГОГИЧЕСКАЯ ПРОБЛЕМА

EDUCATION OF NATIONAL IDENTITY - AS A SOCIAL NEED AND PEDAGOGICAL PROBLEM

Qosimov Akmaljon Nasirdinovich¹

1Qosimov Akmaljon Nasirdinovich

– Farg'ona davlat universiteti mustaqil tadqiqotchisi

Annotasiya

Mazkur maqolada o'quvchilarda sport vositasida milliy identiklikni shakllantirishning nazariy-metodologik asoslari, xalq an'anaviy qadriyatlar bayram, marosim, udumlar va tadbirlarning milliy tarbiyaning manbasi sifatidagi o'rni alohida ahamiyatga ega ekanligi global taraqqiyot jarayonida identiklik tanazzulini vujudga keltiruvchi davrda hal qiluvchi rol o'yunashi yoritib berildi.

Аннотация

В данной статье особое значение имеют теоретико-методологические основы формирования национального самосознания у студентов через спорт, роль национальных традиционных ценностей праздников, обрядов, обычаяев и мероприятий как источника национального воспитания.

Abstract

In this article, the theoretical-methodological foundations of the formation of national identity in students through sports, the role of national traditional values of holidays, ceremonies, customs and events as a source of national education are of particular importance. playing was explained.

Kalit so'zlar: o'quvchilarda sport, xalq an'anaviy qadriyatlar, madaniyatlararo munosabatlar, amaliy ko'nikmalar, uzlusiz ta'lim, individual sifatlar, iqtisodiy taraqqiyot, ta'lim standartlari, ta'lim va tarbiya, ilmiy-metodik, sub'ektiv yangilik.

Ключевые слова: спорт, народные традиционные ценности, межкультурные связи, практические навыки, непрерывное образование, индивидуальные качества, экономическое развитие, образовательные стандарты, воспитание и обучение, научно-методические, субъектные инновации у студентов.

Key words: sports, folk traditional values, intercultural relations, practical skills, continuous education, individual qualities, economic development, educational standards, education and training, scientific-methodical, subjective innovation in students.

KIRISH

Milliy identiklikdagi aksiologik qadriyatlar tizimini o'rganishda ijtimoiy-gumanitar, falsafa tarixi sohalarida G'arb va Sharq olimlari ilmiy izlanishlaridan foydalanildi. Aynan identiklik atamasi ostida G'arb tadqiqotchilar XX asr davomida va XXI asr boshlarida katta miqyosda tizimlashgan tadqiqotlarni olib borishgan.[1] Bu tadqiqotlarda identiklik va qadriyatlar ko'proq milliy davlatchilikni tashkil etish asosi sifatida olib qaraladi.[2] O'zbekiston ijtimoiy-gumanitar fanlarida identifikasiya, identiklik, milliy identiklik muammolari nihoyatda kam o'rganilgan masalalardan biri bo'lib hisoblanadi. O'zbek ijtimoiy fanlarida identiklik atamasi aksariyat hollarda, xususan, S.Otamurodovning "Globallashuv va millat" asarida aynan identiklik kontekstida qo'llanilmasada, an'ana, qadriyat, milliy ma'naviyat sifatida olib chiqiladi. Mahalliy tadqiqotchi Sh.Qahhorovaning "Global ma'naviyat- globallashuvning g'oyaviy asosi" nomli kitobida identiklik milliy ma'naviy ildizlar ma'nosida millat va global taraqqiyotni bog'lovchi mexanizm sifatida olib qaralgan.[3] Identiklik va aksiologiyani bog'liqlikda o'rganishga bo'lgan ehtiyoj nihoyatda tez sur'atlar bilan oshib bormoqda. Sh.O.Madayevaning "Identiklik antropologiyasi" kitobida ushbu masalalarning nazariy-metodologik tadqiqi amalga oshirilgan, tarixiy-retrospektiv tizim ostida o'rganilgan.[4] Identiklikdagi aksiologik jihat identiklik hosil qilishdagi fenomenal asos bo'lgani uchun, bizning tadqiqotimizda ushbu ilmiy ob'yekt identiklik va aksiologik tizim aloqadorligida olib o'rganilgan. Shuningdek, milliy identiklik tushunchasi mazmun mohiyatini yoritilishi, unga berilgan ta'rifimizda "milliy identiklik – bir millat tarixiy rivojlanish jarayonidagi ijtimoiy, iqtisodiy, siyosiy, madaniy, aksiologik jarayonlarning milliy o'zlikni anglashda o'z-o'ziga aynanlashuvchi tizimi, belgilari, usuli, reprezentativ xususiyatlardir". Ta'rifimiz milliy identiklikning umumiyl xususiyatidan kelib chiqib berilgan va aksiologik tizim o'z-o'zidan identiklik fenomenining tashkil etuvchi atributlaridir.

Milliy o'zlikni anglashdagi qadriyatlar tizimini saqlab qolishda tarixiy xotira muhim ahamiyatga ega. Zero, tarixiy xotira millatning ongli faoliyati davomida yaratilgan ma'naviy salohiyatining ajralmas qismi bo'lib, millatning o'tmishni bilishi, uni qadrlashi, undan saboq ola bilish darajasini anglatuvchi tushunchadir.

Tarixiy xotira millatning ongli faoliyati davomida yuzaga keladi va uning ijtimoiy ong yuksalishi jarayonida avloddan-avlodga meros bo'lib o'tadi. O'z tarixiy xotirasini saqlab qola olmagan, uni keyingi avlodga yetkazishga salohiyati yetmaydigan millatning kelajagi ham bo'lmaydi. Chunki xotira millat kelajagi uchun o'tmishdagi hayotiy tajribadan saboq beruvchi muhim manba hisoblanadi. Xuddi ana shu manbaviylik imkoniyati milliy identiklikka kuch bag'ishlab turadi. Har bir millatning tarixiy xotirasi mustahkam, uni avloddan-avlodga o'tkazishga salohiyati kuchli bo'lsa, uning g'oyasida milliy ruhiyat ham mustahkam bo'ladi va o'zligini asrab yashaydi.

ADABIYOTLAR TAHЛИI VA METODOLOGIYA

Milliy identiklik millatga mansublikni his qilish, uning tarixini, urf-odat, an'ana, qadriyatlarini tizimlashgan holda anglashda namoyon bo'ladi. Milliy-madaniy o'ziga xoslik – millat bo'lismning dinamik tarixiy sifati.

Milliy identifikasiya jarayonida aksiologik tizim millatning sha'ni, qadr-qimmati, obro'-e'tibori poymol etilganda yoki millatning manfaatlariiga zarar keltiradigan holatlar boshlanib ketgan vaqtida yaqqol sezilib, millatni jipslashtiruvchi, birlashtiruvchi kuch vazifasini bajaradi. Bunday holatda millatning barcha vakillari iqtisodiy ahvoldan va qanday mansabni egallashidan qat'i nazar, millat oldida turgan maqsad va manfaatlar umumiyligini anglash asosida birlashadilar.

Milliy identifikasiya millat vakillarining his-tuyg'ularida, harakatlarida, psixologiyasida, iymon-e'tiqodida, o'z millatining moddiy va ma'naviy qadriyatlariga munosabatida, Vatan taqdiri haqidagi orzu-havaslarida o'z ifodasini topadi. Ya'ni, milliy o'zlikni anglash odamlarning ongida namoyon bo'ladigan ruhiy holatdir. Shunga ko'ra u millatning, milliy davlatning moddiy, ma'naviy manfaatlarini himoya qilishda va rivojlantirishda harakatga keluvchi, millatni ana shu maqsadlar yo'lida harakatga keltiruvchi, birlashtirib turuvchi ichki ma'naviy-ruhiy kuch bo'lib xizmat etadi.

Milliy o'zlikni anglash millat taraqqiyoti jarayonida ijtimoiy- iqtisodiy va siyosiy, madaniy-ma'rifiy sohalardagi muammolarni hal etishda millatni faol harakatga safarbar etuvchi va uyuştirib turuvchi omildir.

Milliy identiklik o'zagida yotgan aksiologik tizim millatning barcha shakl va ko'rinishidagi manfaatlarini ifodalash yoki himoya qilish bilan cheklanib qolmasdan, millatning mavjudligini ta'minlab turuvchi mustahkam poydevor vazifasini o'taydi. U ona tilga, Vatanga, an'ana, urf-odatlarga, millatning turmush-tarziga, madaniyatiga sodiq qolishi, har qanday sharoitda ham uni tark etmasligi, Vatan mustaqilligi uchun jon fido qilishga tayyor bo'lismeni ong orqali ta'minlaydi. Jahonda notinchlik hukmronlik qilayotgan bir paytda har bir millat vakili turli ekstremistik kuchlar, diniy fundamentalizm va boshqa zararli g'oyalalar ta'siridan ogoh bo'lishi, ayniqsa, o'sib kelayotgan bugungi avlodni bu yot ta'sirlardan himoya qilish, mamlakatda mavjud bo'lgan barcha sog'lom kuchlarni bunday yovuz kuchlarga qarshi turish uchun umummilliyl aks ta'sirni vujudga keltirish zarurligini anglatadi.

Yuqorida keltirilgan vositalarning har birini milliy o'zlikni anglashning asosiy jihatlarini o'z ichiga olib, uning mazmunini tashkil etadi, lekin uning barcha tomonlarini qamrab ololmaydi. Chunki milliy o'zlikni anglash shunday jarayonki, u millat taraqqiyotining har bir bosqichida uning mazmuni kengayib, ahamiyati ortib boradi.

Millatning ijtimoiy yo'nalganligi va aksiologik tizimi mohiyatinining birlashishi, millat faoliyatining asosiy maqsadi vae'tiqodiga aylanishi natijasida milliy identiklik shakllanadi.

O'zbek milliy identikligi tizimini aksiologiya asoslarni yaratgan G'arb olimlari G.Vindelband, G.Rikkert, V.Diltey, M.Veber ta'limotlari nazariyalariiga asosan o'rganish murakkab jarayon bo'lib, bu murakkablik yuqorida nomlari qayd etilgan olimlarning yondoshuvlaridagi farq nuqtai nazaridan kelib chiqadi. Lekin bu yondoshuvlarni umumlashtiruvchi mezon aksiologik tizimda ideal borliq tushunchasini hosil qiluvchi tamoyillardir. Unga ko'ra, ontologik borliqni anglashdagi aksiologik dunyoqarashda ideal makon tushunchasi asosiy kategoriya bo'lib, o'zbek xalqi tarixidagi etnik dunyoqarash shaklida ideal makon real hududiy chegara, Vatan, yer tushunchasi bilan chambarchas bog'liq. O'zbek xalqi tarixida islomgacha bo'lgan davrdagi identifikatsion xususiyatlar qadimiy va o'limas madaniy qadriyatlar asosida shakllangan bo'lib, dunyoni aksiologik anglash tizimida islom dinigacha etnik ongda o'zini anglash jarayoni borliqni o'z "men"i bilan uyg'unlikda deb bilish va boshqa etik va estetik qadriyatlarini ana shu tizimga yo'nalganligini ko'rish mumkin. Bu qonuniyat boy xalq og'zaki ijodi namunalari, turkiy, zardushtiy yozma bitiklar, Algomish, Go'ro'g'li turkumidagi dostonlar, "Tohir va Zuhra", "Oshiq G'arib va Shohsanam" dostonlarida o'z aksini topgan. Shiroq, To'maris, Kuntug'mish kabi afsonalar, behisob hikoyalar, matal-masallar, topishmoq qo'shiq kabi tildan tilga o'tib kelayotgan merosimizda dunyoni o'zi

tug'ilib o'sgan yer nuqtai nazaridan qadriyat deb tushunish, qadriyatlar tizimining boshqa jihatlarini Vatan tushunchasi atrofiga qurishni ko'ramiz.

O'zbek identikligi tarixida dunyoni territorial anglash yurt, Vatan, maskan, Ona Yer tushunchasi bilan bog'lansada, odamlar borliq to'g'risida o'ylaganlarida, afsona, hikoyat yoki dostonlarda olamning qadri, uning cheksizligi, koinot va odamzod aloqlari, inson umrining ma'nosi, mazmuni, maqsadi hamda botirlik, oqillik, hokisorlik, yaxshilik, vafodorlik, vatanparvarlik kabi qadriyatlarga izoh bergenlar, hatto, ularning ba'zilarini ilohiylashtirganlar.

Qadimgi bitik – toshlarga bitilgan yozuvlar garchi milloddan oldingi 8-asrga oid bo'lsa-da, lekin ularda xalqimiz tarixining uch ming yillik davriga oid tasavvurlari tafakkuri, tur mush tarzi, orzu-umid va intilishlari, qadriyat va an'analari, ijtimoiy-siyosiy, falsafiy-axloqiy, diniy, badiiy qarashlari, umuman, tarixiy va ma'naviy xotirasi o'z aksini topgan. Qadriyatlar muammosining falsafiy-tarixiy tahlili zaminimizda yaratilgan qadimgi naqlar, rivoyatlar, afsona, hikoyat, dostonlarga, ya'ni xalq og'zaki ijodi namunalariga borib taqaladi. Ma'lumki, islomgacha bo'lgan davr, ya'ni arablar istilosiga qadar, Markaziy Osiyoda zardushtiylik, budda, xristian va moniylik dinlari mavjud bo'lib, ular orasida keng tarqalgani zardushtiylik edi. Avestoshunos Oldenburgning fikricha, "...zardushtiylik o'tmishdagি dinlar ichida, insonning yer yuzida farovon yashashga katta ahamiyat bergen, eng oqilonan dindir". Ushbu dinning asoschisi Zardusht bo'lib, u yashagan va "Avesto" kitobi yozilgan davrda Markaziy Osiyoda aholining asosiy qismi o'troq hayotga, dehqonchilik va hunarmandchilikka o'ta boshlagan, ko'chmanchi chorvachilikka e'tibor kuchaygan, qadimgi shaharlar va dehqonchilik viloyatlari (So'g'diyona, Marg'iyona, Baqtriya, Parfiya, Xoramz)ning shakllanish jarayoni kuchayotgan payt edi. Vatanimizning xalqlari hayotida yuz berayotgan bu ijtimoiy o'zgarishlar uning taraqqiyot yo'liga g'ov bo'layotgan mafkurani yangilashi, yangi jamiyat talablariga javob bera oladigan diniy islohotlarni amalga oshirilishi talab etilardi. "Avesto"da ana shu islohiy talab o'z ifodasini topgan. Qolaversa, bu o'sha davr insonlar ongida identifikasjion xususiyatlarning kurtak ochishiga zamin yaratgan.

"Avesto" zardushtiylikning muqaddas kitobi bo'lganligidan, unda bu dinning qadriyatlar tizimi o'z ifodasini topgan. Shu bilan birga Kitobda umuminsoniy qadriyatlarga, ularning inson ma'naviyati va amaliy faoliyatni uchun ahamiyatiga katta o'rinn berilgan. Asarda yaxshilik, barkamollik, hurfikrlilik, insonparvarlik kabi xislatlar Axuramazda qiyofasi orqali ko'rsatilgan. Kitob mualliflaridan biri Zaratushtra (Zardusht) fikricha, odamlar yaxshilik, yorug'lik kuchlariga ergashishi, yaxshilikni yomonlikdan, adolatni haqsizlikdan farqlab olishi, hayoti davomida Axuramazda tomonida bo'lishi lozim. Insonning bu jarayondagi qadri esa, yaxshilikning g'alabasi uchun kurashda befarq turmasligida, yashash tarzida, ma'naviy qiyofasida, ijtimoiy faoliyatida o'z ifodasini topadi.

Ilk O'rta asr va O'rta asr Sharq uyg'onish davrining o'zbek identikligiga ta'siri va uning aksiologik jihatlarda aks etishi tamoyillari tahlili ham mazkur bobda o'rinn olgan. Markaziy Osiyoda qadriyatlar to'g'risidagi qarashlar rivojida VIII-XII asrlar katta ahamiyatga ega. Bu davrda arab istilosini amalga oshirilgan, islom rasmiy hukmron dingga aylangan, islom fenomeni ostida Yaqin Sharq va Markaziy Osiyoda yagona tizim ostida o'yg'onish davri jarayoni vujudga keldi.

NATIJALAR

Shu bilan birga islomning yurtimizda tarqalishi va arab itilosini davrida ko'pgina milliy qadriyatlar islom dini bilan sinkretlashuvi yuz berdi. Bu to'g'rida Beruniy "Qadimgi xalqlardan qolgan yodgorliklar" asarida ma'lumot beradi. Shuningdek, alohida ta'kidlash kerakki, vatanimiz sivilizasiyasining qadriyatlarini arablar dunyosi madaniyatining rivojiga ham katta aks ta'sir ko'rsatganligi shubhasiz. Xorazmiy, Forobiy, Beruniy, Ibn-Sino, Ulug'bek kabi mutafakkirlar, al-Buxoriy, at-Termizi, Kubro, Axmad Yassaviy, Naqshband kabi ilohiyot ilmining zabardast allomalari, Lutfiy, Navoiy, Bobur, Bedil, Mashrab kabi zotlarning kamolotida nafaqat islom, balki sivilizatsiyamiz madaniyatini va qadriyatlarining ta'siri beqiyos. Islom dini yurtimizga kirib kelganidan keyingi davrlarda ichki urushlar nisbatan barham topgan, ijtimoiy hayotda nisbatan barqarorlik hukm surayotgan edi. Bu nisbiy barqarorlik davrida madaniy rivojlanish, ilm-fan hamda adabiyotning taraqqiyoti uchun imkoniyat ochildi. O'sha davr buyuk mutafakkirlaridan biri Muxammad al- Xorazmiy xalifa al-Ma'mun tashkil qilgan "Baytul hikma"da katta mavqege ega bo'lgan. U ilgari surgan g'oyalarda qadriyatlarning umuminsoniy jihatlari izohlangan.[6] Sharq madaniyatini tarixida muhim o'rinn tutgan Abu Nasr Forobiyning qadriyat to'g'risidagi fikrlarini "Madina al-fozila" ta'limotida yaqqol kuzatish mumkin. Qomusiy olim sifatida Forobiy ta'limotida yuksak g'oyalari, adolatli ijtimoiy munosabatlar qaror topgan davrda vujudga keladigan ma'naviy-axloqiy qadriyatlarning umumiyligi tizimini izohlab bergen. Forobiy bunday jamiyatda diniy qadriyatlar ham muayyan ahamiyatga ega bo'lishini, ammo unda kalom (teologiya) va fikx (huquqshunoslik) vakillari kishilarning ma'naviy-axloqiy kamoloti uchun javob beradigan sohalarni boshqarishlari, ijtimoiy munosabatlarning asosiy sohalari esa faylasuf xukmdorlar tomonidan boshqarib borilishini ta'kidlaydi. Mutafakkir diniy karashlar g'oyaviy sohada eng asosiy ahamiyat kasb etgan o'sha davrda, inson, jamiyat va ilm-fan qadriyatlarini

falsafiy bilimlarning asosiy mavzularidan biri sifatida qaray olgan dastlabki Sharq faylasuflaridan bira bo'ldi.

Abu Nasr Forobiyning g'oyalari O'rta asr Sharq falsafasi allomasi Alisher Navoiy ta'lomitida rivojlantirildi. Unga ko'ra, dunyoni panteistik anglashda inson eng oliv qadriyat sifatida maydonga chiqdi.

Jadid milliy demokratik ta'lomitida milliy identiklik va aksilogiyaning asosiy jihatlari millatni asrab qolish, buning uchun jamiyatda ilm-fan, ta'lim, ma'rifatparvarlik idealini qadriyat sifatida targ'ib qilishdan iborat bo'ldi. Jadidlar o'z davri va imkoniyatiga ko'ra progressiv fikr va ta'lomit orqali milliy birlik va jamiyatni asrab qoluvchi g'oyalarni taqdim etar ekanlar, ularda ko'proq xalq ongida qotib qolgan stereotiplarni yo'qotish hamda millatni qadriyat maqomidagi tushuncha sifatida yondoshish, uni asrash uchun tafakkur madaniyatini o'zgartirish xarakatini olib bordilar.

O'zbek xalqining milliy identikligini namoyon etishida o'zlikni anglash jarayonlarida kechayotgan o'zaro munosabatlar va axborotlashayotgan jamiyatdagi ijtimoiy jarayonlarning tahlili asosida tegishli ilmiy xulosalar ishlab chiqilgan. Ushbu bobda O'zbekiston Respublikasidagi fuqarolik jamiyati rivojining zamonaviy bosqichida polietnik munosabatlarning milliy, etnik, diniy, fuqarolik va hududiy identiklikni qo'llab-quvvatlashda erishilgan falsafiy identiklik omillari tahlil etiladi. Axborotlashgan global dunyoda bir tomonidan madaniyatlarning o'zaro diffuziyalashuvi jarayoni, ikkinchi tomonidan, milliy madaniyatlardagi differensiasiyalashuv pandemiya sharoitida butunlay yangi mazmunga o'tishi kutilmoqda. Bu jarayonlar, tabiiyki, o'zbek xalqining milliy identikligiga yangicha mazmun bag'ishlaydi.

MUHOKAMA

Bugungi yuksak taraqqiyot davrida hech bir mamlakat umumiyl integrasiyalashuv jarayonlaridan chetda tura olmaydi. Har bir davlat boshqa davlatlar bilan hamkorlikda rivojlanib boradi. Zero, xalqaro munosabatlarsiz taraqqiyotga erishib bo'lmaydi. Chunki ko'p asrlar mobaynida jahon mamlakatlari dunyo miyosida bir-birini boyitib kelgan.

«Milliy identiklik»ning talqinini beradigan bo'lsak, u ma'lum bir hududda istiqomat qiluvchi, tili, urf-odati, udumi, an'ana va qadriyatlarni o'zida mujassamlashtirgan ijtimoiy uyushgan insonlar birlashmasi bilan bog'liq tushunchadir. Tadqiqot ishi bevosita o'zbek identikligi bilan bog'liq bo'lgani uchun, unda ethnografik guruhi omiliga e'tibor qaratildi.

«Etnografik guruhi odatda bir qabila yoki elatning boshqa yerga borib, ikkinchi bir xalq tarkibiga kirib yashayotgan, ammo uning tarkibiga mutlaqo singib ketmay, u bilan birga yashab kelayotgan etnik birlikka aytildi».¹² Ilmiy manbalarda ethnografik guruhi «subetnos» sifatida ham kelishi mumkin.

Respondentlarga “O'zbek xalqining an'analarini bilish va unga rioya qilish kerakmi” savoli bilan murojaat qilinganda, ularning 57,8% i “Ha, bu mening xalqimga asrlar davomida o'zligini saqlash imkoniyatini beradi”, - deb javob qaytargan. Shuningdek, 20,3% “bu xususda o'ylab ko'rmananini”, 16,5% i “javob berishga qiynalishi”ni, 10,7% i esa “zamonaviy jamiyatda bu shart emas”ligini ma'lum qilgan. Tahlillar shuni ko'rsatmoqdaki, 10,7% respondentlarning “o'z xalqi an'nalarini bilish va unga rioya qilish shart emasligi” xususidagi fikrga to'xtalgan. Bu holatni biz so'nggi yillarda aholi orasida “marginalizm”ga bo'lgan og'ishlar soni oshib borayotganligi bilan izohlashimiz mumkin.

Aynan o'zbek identikligini shakllantirgan aksiologik tamoyillar hech bir xalqda aynan takrorlanmasligi sosiologik so'rovlar, qiyosiy tahlilda aniqlandi. Xalq an'anaviy qadriyatlari bayram, marosim, udumlar va tadbirlarning milliy tarbiyaning manbasi sifatidagi o'rnii alohida ahamiyatga ega ekanligi global taraqqiyot jarayonida identiklik tanazzulini vujudga keltiruvchi davrda hal qiluvchi rol o'ynashi yoritib berildi.

Globallashuv natijasida davlatlar o'rtasidagi aloqa va munosabatlar rivojlanib, ularning iqtisodiyoti bir-biriga bog'lanib bormoqda. Zamonaviy axborot texnologiyalari va ilm-fan yutuqlari tezlik bilan dunyo bo'ylab tarqalmoqda, shuningdek, sivilizasiyalar al mashinuvi natijasida turli xalqlar qadriyatlari uyg'unlashib, umumiylashib ketyapti. Bunday vaziyatlardan ayrim siyosiy kuchlar o'zlarining g'arazli maqsadlari yo'lida foydalananishga urunishmoqda.

Uchinchi ming yillikdag'i global chaqiriqlar davrida o'zbek identikligi fundamentidagi davlatchilik tamoyillarini shakllantirishga asos bo'luvchi fenomenlar: vatanparvarlik, milliy an'ana va qadriyatlarga hurmat, ma'naviy yetuk va jismonan sog'lom barkamol avlodni voyaga yetkazish, ularning huquq va manfaatlarini himoya qilish tizimini saqlab qolish va unga oid muammolarni hal qilish vazifalari identiklik va aksiologiya tizimi sinkretligida yangi xolatlarni namoyon qildi. O'zbek identikligida aksiologik tizim har doim ham aksiologiyaning milliy identiklikka to'g'ri proporsionalligini tashkil qilgan. Ya'ni, identiklikdagi o'zlikni anglash aksiologik mezonlar orqali shakllanadi, ontologik borliqni anglash orqali etik va estetik tamoyillar shakllanadi. Identiklikda aksiologik me'yor va mezonlar buzilgan holda identiklik o'zgarishi, o'zlikni anglashning yangi holatlari yoki identiklik tanazzuli ro'y beradi.

O'zbek xalqi tarixida islomgacha bo'lgan davrdagi identifikasiyon xususiyatlar qadimiy va o'lmas madaniy qadriyatlar asosida shakllangan bo'lib, boy xalq og'zaki ijodi namunalari, turkiy, zardushtiy

yozma bitiklar, Alpomish, Go'ro'g'li turkumidagi dostonlar, "Tohir va Zuhra", "Oshiq G'arib va Shohsanam" dostonlarida o'z aksini topgan. O'zbek identikligi qadriyatlar tizimida boshqa jihatlar Vatan tushunchasi atrofiga qurilgan. O'zbek identikligi tarixida dunyoni territorial anglash yurt, Vatan, maskan, Ona Yer tushunchasi ilohiy kosmologik ontologikborliq bilan birlashib ketadi.

Ilmiy adabiyotlarda fuqarolik, etnik va milliy identiklik masalalari davlat, jamiyat, ijtimoiy manfaatlar asosida har bir shaxsning «o'zlikni anglash» tuyg'usini shakllanishiga xizmat qiladi. O'zlikni anglash milliy va etnik manfaatlarni aks ettirish bilan birga, milliy jipslilikni ta'minlab beruvchi mental jihatlarni maqsadli rivojlanishiga ham yo'naltirilishi mumkin. Etnik identiklik millat xarakteri va milliy mentalitetning sosiomadaniy xususiyatlarini anglashda muhim rol o'ynaydi. O'zlikni anglash tuyg'usi milliy yoki etnik identiklikning bir qismi hisoblanadi. Identiklik masalalariga tadqiqotchilar uzoq yillar mobaynida kasbiy nuqtai-nazardan chuqur yondashmadilar va u ko'pincha psixologiya fanining tadqiqot ob'yekti sanalgan. Shu sababli ijtimoiy-gumanitar fanlar tizimi, xususan, falsafa va sosiologiyaga oid tadqiqot ishlarida "o'zlikni anglash" omili "identiklik" tushunchasi bilan uyg'un holatda aks ettirildi. Aslida milliy identiklik o'zida mentalitet va o'zlikni anglash tushunchalarini mujassam etib, har qanday millatlarning xarakterli xususiyatlarini belgilab berishda ushbu atamalarni alohida olib o'rganish maqsadga muvofiq.

XULOSA

Xulosa sifatida aytish mumkinki, globallashuv va aksiologik tamoyillarning o'zaro mutanosiblik qonuniyatini aniqlashda o'zbek identikligening sinergetik jarayoni ro'y bermoqda. Unda urf-odat, marosim, bayramlar milliy ongdagi o'zlikni asrab qolish omili sifatida alohida ahamiyat kasb etadi.

Mamlakatimiz o'z mustaqilligini qo'lga kiritgandan keyin qayta tiklangan qadriyatlar, xalq bayramlari, oilaviy marosimlar, diniy bayramlar, mustaqillik davri bayramlari, umumxalq bayramlari, madaniy va ma'rifiy bayramlar, sport bayramlari va boshqalarda milliy o'ziga xoslikning namoyon bo'lishi milliy tarbiyani singdirishda amaliy ahamiyati katta ekanligi tadqiqot bo'yicha olib borilgan sosiologik so'rovlarda yaqqol namoyon bo'ldi. Aynan o'zbek identikligini shakllantirgan aksiologik tamoyillar hech bir xalqda aynan takrorlanmasligi sosiologik so'rovlar, qiyosiy tahlilda aniqlandi. Xalq an'anaviy qadriyatları bayram, marosim, udumlar va tadbirlarning milliy tarbiyaning manbasi sifatidagi o'rni alohida ahamiyatga ega ekanligi global taraqqiyot jarayonida identiklik tanazzulini vujudga keltiruvchi davrda hal qiluvchi rol o'ynashi yoritibberildi.

ADABIYOTLAR RO'YXATI

- 1.Эриксон Э. Идентичность: юность и кризис. -М.: Флинта, МПСИ, Прогресс, 2006.
- 2.Communities. Reflections on the Origin and Spread of Nationalism. - London: Verso, 1983.
- 3.Barth, F. Ethnic Groups and Boundaries. - Oslo: Bergen, 1969.
- 4.Brubaker, R. Ethnicity without Groups. Cambridge: Harvard University Press, 2002.
- 5.Геллнер, Хрок и др.. Нации и национализм.-М: Прогресс. 1991.
- 6.Отамуродов С. Глобаллашув ва миллат. -Тошкент: Янги аср авлоди. 2008.
- 7.Қаҳхорова Ш.Б. Глобал маънавият глобаллашувнинг foявий асоси.-Тошкент: Тафаккур, 2009.
- 8.Мадаева Ш.О. Идентиклик антропологияси. -Тошкент: Нишон ношир, 2015.
- 9.Файзуллаев А.Ф. Научное творчество Мухаммеда ал-Хоразме.-Т.:Фан, 1983 й.